



Pou Biblikasyon Imedya: 16/05/2023

GOUVÈNÈ KATHY HOCHUL

GOUVÈNÈ HOCHUL ANONSE PI BON SIVEYANS REKEN POU PLAJ PAK ETA KI NAN LONG ISLAND YO

Ajans yo nan Eta a elaji kapasite siveyans yo pou idantifye aktivite reken toupre plaj pou benyen yo

Dis nouveau dwòn pral deploye ete sa a, sa ki plis ke double kapasite siveyans reken nan eta a

Elaji sensibilizasyon publik ak ankorage direktiv sou sekirite reken yo

Gouvènè Kathy Hochul te anonse jodi a mezi ki anplas pou pwoteje moun ki ale nan plaj yo kont reken nan plaj Pak Eta nan Long Island ete sa a. Biwo Pak, Lwazi ak Konsèvasyon Istorik Eta New York, Depatman Konsèvasyon Anviwònman ak Lapolis Eta New York pral ogmante siveyans ki gen ladan siveyans dwòn, anbakasyon ak elikoptè sou Plaj Pak Eta nan Long Island. Mezi sa yo batitou [aksyon Gouvènè a te pran pou abòde ak amelyore sekirite moun ki ale nan plaj yo](#) avèk yon ogmantasyon nan obsèvasyon reken ete pase a.

"Avèk Nouyòkè yo ak vizitè yo k ap prepare pou jwi bèl plaj Long Island nou yo pandan tout ete a, sekirite yo se pi gwo priyorite nou", **Gouvènè Hochul te deklare**. "Ane sa a, n ap pran plis aksyon pou pwoteje moun ki ale nan plaj yo lè nou ogmante siveyans pou kontwole aktivite reken toupre plaj ki nan kòt sid la. Mwen ankorage tout Nouyòkè yo pou yo koute otorite lokal yo epi pran prekosyon pou ede asire vwayaj ki an sekirite ak responsab nan plaj ete sa a".

Biwo Pak, Lwaziak Konsèvasyon Istorik Eta New York (Pak Eta) te fè yon reyinyon anvan sezon an avril avèk minisipalite bò plaj yo ak ajans lokal yo pou bay dènye enfòmasyon sou aktivite reken yo nan Eta New York epi diskite sou notifikasyon kowòdone bò plaj yo. Lapolis Pak Eta ak Ofisyen Lapolis Depatman Konsèvasyon Anviwònman yo pral kowòdone patwou si pak espesifik yo mande yo sa nan ka gen yo te petèt wè reken.

Komisè Pak Eta New York la, Erik Kulleseid, te deklare, "Aksyon k ap pran sou kòt sid Long Island lan pral pèmèt nou gen je nan syèl la ak sou litoral la. Pandan de sezon ki sot pase yo, nou te aprann ke dwòn yo se mekanis ki pi efikas pou detekte kondisyon

anviwònman ki ta ka atribiye a aktivite reken. N ap elaji patwouy avèk dwòn ak anbakasyon yo pou ede anpeche entèrakson negatif reken avèk najè, sifè, pechè sif, ak vwayajè sou plaj nou yo".

Komisè Depatman Konsèvason Eta New York Ia, Basil Seggos te deklare, "Plaj oseyan ak litoral New York yo fè pati yon ekosistèm maritim sovaj ak natirèl. Reken yo se yon pati enpòtan nan ekosistèm sa a, epi yo jwe yon wòl esansyèl nan kenbe yon oseyan an sante ak ekilibre. Entèrakson moun ak reken yo se yon evènman relativman ra nan New York, sepandan, tout moun ki ale nan plaj yo ta dwe suiv konsèy DEC sou sekirite reken yo pou minimize risk pou gen entèrakson negatif ak reken yo".

Sirentandan Pwovizwa Lapolis Eta New York Ia, Steven Nigrelli, te deklare, "Lapolis Eta New York la pare pou ede patnè nou yo kenbe moun ki ale nan plaj ak dlo nou yo an sekirite pandan sezon sa a. Nan ka yon obsèvason oswa yon ensidan, Avyasyon Lapolis Eta New York (NYSP Aviation) prepare pou bay sipò rapid jan sa nesesè".

Kapasite siveyans elaji Pak Eta a nan ete sa gen ladan:

- Yon lòt dis dwòn pral plis pase double uit ki aktyèlman an operasyon yo
- Yon nouvo dwòn ki asiyen bay Lapolis Park la se yon gwo dwòn antrepriz ki gen imaj tèmik, deteksyon lazè, ak kamera bon jan kalite pou pèmèt siveyans lannwit ak patwouy nan kondisyon move tan. Dwòn sa a kapab lage aparèy flotezon pèsonèl tou nan ka ijans
- Kounye a, 21 anplwaye ki gen ladan ofisyè Lapolis Pak yo, ekip operasyonèl Pak Eta, sovtè ak operatè dwòn sètifye yo resevwa fòmasyon. Yon lòt 12 manm ekip la pral fòme anvan wikenn fèt 4 jiyè a.
- Edikatè Anviwònman Pak Eta yo ap fè sensibilizasyon piblik konsènan abita reken pou moun ki nan Jones Beach, Robert Moses ak Sunken Meadow ete sa a
- Yo te asiyen de nouvo Yamaha WaveRunner bay sovtè yo pou patwouye Jones Beach ak Pak Eta Robert Moses. De bato pèsonèl sa yo pral rejwenn youn ki deja an fonksyon nan Pak Eta Sunken Meadow
- Gen zòn tanpon siplémentè ki pral kreye ant zòn pou naje yo ak zòn lapèch sif yo
- Lòske gen obsèvason, Avyasyon Lapolis Eta New York la ap disponib pou entèvni jan sa nesesè

Repons a obsèvason yon reken

Apre obsèvason konfime yon reken toupre yon plaj Pak Eta, y ap pran mezi sa yo:

- Y ap sispann naje yo apre yon obsèvason
- Y ap otorize rekòmanse naje yo omwen inèdtan apre dènye obsèvason an
- Yo refere tout obsèvason yo bay Gwoup Sansibilizasyon Kotyè Long Island nan, ki gen 200 moun ki soti nan minisipalite, ajans, ak operatè plaj prive ki soti Queens jiska Long Island.
- Sovtè Pak Eta yo kontinyèlman tcheke ak fè patwouy dlo yo pou aktivite reken

Pou minimize risk entèrakson reken yo, Depatman Konsèvason Anviwònman Eta New York la bay [direktiv sekirite sa yo sou reken](#):

- Evite zòn ki gen fòk yo

- Evite zòn ki gen gwooup pwason, ekabousi pwason oswa plonje zwazo maritim yo
- Evite naje lè solèy kouche, lannuit ak bonè nan maten
- Evite dlo twoub
- Naje, navige nan kannòt ak sife an gwooup
- Rete toupre rivaj la, kote pye w ka touche fon an
- Toujou swiv enstriksyon sovtè yo ak anplwaye pak la

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418